

REVERENDISSIMO AC SPECTABILI
DOMINO MICHAELI HASCHKE

INGENUAE ET EXEMTAE ECCLESIAE AD S. PETRUM BUDISSINAE
CANONICO CAPITULARI CANTORI

ANNUM QUINQUAGESIMUM IN MUNERE

SACERDOTALI PERACTUM

PIE GRATULATUR

CLERUS DIOCESEOS BUDISSINENSIS

DIE XXIX. SEPTEMBRIS ANNI MDCCCLII.

dicit. Pech.

BUDISSAE

TYPIS C. TH. HIECKEL

Jubilate Deo Ps. 99.

Est Deus omnipotens qui salvat cuncta creata,
 Præbet larga suis dona videre piis,
 Conservat vires seram quoad usque senectam,
 Robore et infracto tunc animum vegetat
 Sectantis pedibus tutis vestigia recta.
 Vires, vita, decus, dona caduca ruunt;
 Gaudet thesauris sapiens, sibi quos cumulavit
 In cœlis, laudes hinc tribuit Domino.
 Insita spes cordi, vitam progignere vitam; —
 Nil perdit Dominus: — sic latet in silice
 Scintillæ parvæ vis, cusaque viva resurgit.
 Stamus et in petra plus solida silice;
 Petra hæc est Christus, qui Patris Filius almi
 Verus vera docens, dux, via, vita, salus,
 Inque Deo cum quo nunc nostra recondita vita;
 Quando apparuerit gloria magna Dei,
 Ipse suos secum ducet cum gloria ad astra;
 Sic benedictus homo, cui timor est Domini.
 Est Deus omnipotens, dilecte o Nestor alacris!
 Cujus salvavit dextera **Te** valida,
 Duxit **Te** juvenem, duxitque virum, seniorem
 Et ducat, tacito dum pede vita fugit.
 Jam sunt lustra decem, quando unctus chrismate sancto
 Primum aram scandis sacrificasque Deo,
 Hostia ubi Christus, Christus simul estque sacerdos;
 Suave jugum Domini tollis et officia.
 In messem Domini jam dudum rite vocatus
 Sic habuit primo Crostwica **Te** vigilem

218

Cultorēm, divum̄ sevisti semen ibidem
Per triginta duos auxiliante Deo
Annos, floret ibi templum Domini renovatum,
Ornatum curis usque nitetque **Tuis.**
Quid juvat ex saxis nitide sed condere templa?
Aedes terrenae sunt, bene corda quidem
Attollunt populi tritis a rebus ad altas,
Sæcula perdurant, astque caduca manent.
Plus pretiosa vigent terrenis vivaque templa,
Quæ sunt regna Dei, quæ Deus ingreditur:
Tempa pii populi sunt hæc præcordia fida.
His operam dabas sicuti præco bonus,
Inserit in sacro veræ qui fonte novellas
Viti, qui lapides, surgat ut aula Dei,
Vivos electum supra Lapidem bene adaptat,
Qui probus ut pastor jam veniente die
Invigilat gregibus, vigilat jam nocte cadente,
Visitat infirmos, æthere cum placido
Tum pluvio solers mysteria fert moribundis,
Conciliat Domino, qui tulit ipse nefas
Nostrum, morte sua dum crimina nostra piavit.
Servisti Domino villicus hocce modo
Reddendæ quondam memor assiduus rationis
Quinquaginta annos: jam renovas hodie
Debita vota Deo, cui dona litas sacra grato
Corde, **Tibi**que die prospera quæque **Tua**
Et nos optamus, sincero corde precamur,
Ut Deus hancee diem saepe **Tibi** revehat;
Obvia circumdet **Te** obeuntem cœlica turba
Suscipiatque suis **Te** manibus Dominus.

1126 YXII 118